

TABULA 336.

## ARISTOLOCHIA CRETICA.

GYNANDRIA HEXANDRIA.

CHAR: ESSENT: *Calyx* nullus. *Corolla* monopetala, hgulata, basi ventricosa. *Capsula* sex-locularis, polysperma, infera.

ARISTOLOCHIA *Cretica*: foliis cordatis subhirsutis, caule herbaceo ramoso, floribus incurvis, limbo oblique secto. *PERSOON Synops. Plant.* 2. p. 527. *WILDENOW Spec. Plantar. IV.* p. 160.

ARISTOLOCHIA *Cretica*: villosa, caule herbaceo, non scandente; foliis cordato-rotundatis; floribus solitariis, axillaribus; calycis tubo incurvo; limbo oblique ovato. *Annales du Museum d'hist. nat. V. année* p. 294, t. 18, par DEFONTAINE.

*Habitat in Creta, Candia.* ♀.

RADIX carnosae, crassitie pollicis, ramosa, intus lutea, extus rubicunda.

CAULIS gracilis, pubescens, basi ramosus, 1-2-pedalis, rectus, varius, tortuosus l. flexuosus et prostratus.

FOLIA alterna, petiolata, cordata, rotundata, obtusa, apice emarginata, subtus viridi-albicantia, pubescentia, uni-bipollicaria.

FLORES axillares, solitarii, incurvi, pedunculo bipollicari pubescente suffulto.

CALYX nullus, corolla magna, villosa, rosea. *Tubus* recurvatus, basi ventricosa, elongata, sulcata. *Limbus* ovatus, oblique sectus, concavus, obtusus, violaceus, intus villosus.

STAMINA, filamenta sex. *Antherae* sub stigmatibus sessiles.

PISTILLUM: *Germen* inferum, sulcatum.

FRUCTUS, *Capsula* magna, dependens, cylindrica, pubescens, sulcis sex exarata, sex-locularis, loculis polyspermis.

SEMINA ovata, depressa, fusca, subtriangularia.

*Ramus magnitudine naturali.*

1. Capsula matura.